

פרק ל

- {א} מזמור שיר הנפת הבית לדוד:
 {ב} ארוממך יהוה כי דליתני ולא שמחת איבי לי:
 {ג} יהוה אלהי שועתי אליך ותרפאני:
 {ד} יהוה העלית מן שאול נפשי חייתיני (מיורדי) מירדי בור:
 {ה} זמרו ליהוה חסידיו והודו לזכר קדשו:
 {ו} כי רגע באפו חיים ברצונו בערב ילין בכי ולבקר רנה:
 {ז} ואני אמרתי בשלוי בל אמוט לעולם:
 {ח} יהוה ברצונך העמדתה להררי עז הסתרת פניך הייתי נבהל:
 {ט} אליך יהוה אקרא ואל אדני אתחנן:
 {י} מה בצע בדמי ברדתי אל שחת היודך עפר היגיד אמתך:
 {יא} שמע יהוה וחנני יהוה היה עזר לי:
 {יב} הפכת מספדי למחול לי פתחת שקי ותאזרני שמחה:
 {יג} למען יזמרך כבוד ולא ידם יהוה אלהי לעולם אנך: